

四庫全書

史部

欽定四庫全書

史部

欽定大清會典則例卷七十九

詳校官檢討臣劉 炳

編修臣程嘉謨覆勸

總校官原任中允臣王燕緒

校對官中書臣袁文邵

謄錄監生臣李傳燮

欽定四庫全書

欽定大清會典則例卷七十八

禮部

祠祭清吏司

大祀三

太廟

一每年四孟月及歲暮饗

太廟崇德元年定四孟時饗並每月薦新每歲

聖誕及清明孟秋望歲暮忌辰均於

太廟致祭。○順治元年定

太廟時饗每歲孟春於正月上旬卜日孟夏孟秋孟冬  
於朔日行禮大禘於歲除行禮孟春時饗如遇  
祈穀齋戒之期

皇帝詣

太廟出入導迎樂均設而不作。○三年定時饗樂作於  
廟門。○四年定歲除前禘祭大建於二十九日

小建於二十八日行禮○五年十一月恭上

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后廟號尊謚。八年定時饗奏樂於

殿內文武佾舞全設。又定

皇帝親饗

太廟行飲福受胙禮。十年題準每年元宵節

太廟懸張慶成鎧

鎧皆連二

自正月初七日起至十七日止

今於初三日起

令工部豫期辦造廟街門中門一南北

門各一戟門三左右門各一

正殿十

中殿十

後殿八東廡西廡各一〇十六年覆準每年歲除前一  
日奉

後殿

列祖

列后中殿

列聖

列后於

太廟正殿行大祫禮

四祖

太祖南嚮

太宗東位西嚮前期一日遣官祇告

後殿

四祖又遣官祇告

中殿

太祖



太宗其致齋視牲請

閱祝文等儀均與時饗同○十七年奉

旨

太廟時饗樂舞仍設於殿內祫祭設於殿外○康熙九

年題準

太廟東廡設太牢○三十八年議準元旦

皇太后聖壽

萬壽聖節於

太廟後殿遣官行禮○雍正元年題準歲除前一日

皇帝親詣

太廟行大禘禮豫遣官奉

後殿

中殿

列聖

列后神牌奉安於

前殿

寶座正中

肇祖原皇帝居左

原皇后居右左一位

興祖直皇帝次

直皇后右一位

景祖翼皇帝次

翼皇后左二位

顯祖宣皇帝次

宣皇后右二位

太祖高皇帝次

孝慈高皇后均南嚮

太宗文皇帝

孝端文皇后

孝莊文皇后東位西嚮

世祖章皇帝

孝惠章皇后

孝康章皇后西位東嚮

聖祖仁皇帝

孝誠仁皇后

孝昭仁皇后

孝懿仁皇后

孝恭仁皇后東次西嚮其奠獻行禮樂章與康熙九年

同○三年

聖祖仁皇帝服制二十七日期滿

世宗憲皇帝詣

太廟行祫祭禮讀文奠獻如大祫儀○八年  
諭饗祀向無上香之儀應酌議增入儀注遵

旨議準時饗

太廟照祭

社稷壇之禮於迎

神樂奏時詣

列祖位前跪上柱香次三上辦香兩廡分獻官上香祫

祭及

奉先殿

太廟後殿皆同儀○十二年議準

太廟

社稷壇內承直人役各於街門上設門籍備書姓名  
於上並令各帶腰牌責成看守旗員驗明出入  
如無腰牌出入者立即拏究倘該員不敬謹察  
驗一經察出指名叅處至旗員內監及刈草人

夫令太常寺造具清冊呈部並知會內務府御  
史一同嚴察○乾隆元年

諭國家式崇

太廟妥侑

列祖神靈歲時祇薦明禋典禮允宜隆備今

廟貌崇嚴而軒櫺榱桷久未增飾理應敬謹相視慎重  
繕修以昭黜陟示新之敬著該部會同內務府  
詳議具奏欽此遵



旨議準先行繕修

奉先殿應擇吉恭請

列祖

列后神牌於黃輿暫奉安於

太廟中殿寢室自興工以至告成

奉先殿朔望暫停祭饗每月薦新掌儀司官詣

太廟薦獻遇時饗仍請

太廟神牌至

前殿照常行禮竣工竣恭請

神牌還御

奉先殿安奉禮成後再擇吉繕修

太廟再四孟時饗事闕鉅典應請繕修

太廟先於

前殿設黃幄九座恭請

中殿

後殿

列聖

列后神牌於

前殿黃幄內安奉先行繕修

中殿

後殿竣告成時恭請

神牌還御

中殿

後殿再繕修

前殿自興工以至告成遇時饗即於

中殿照

前殿儀祭饗設樂舞於庭其恭請

神牌於前殿並請

神牌還

御欽天監選擇吉期本日均遣官祇告並祭

后土

司工之神再

奉先殿

太廟既繕修增飾其

後殿寢室神龕內一應陳設器物亦應修飾維新帷幔衾枕等物均照舊式敬謹製造祇告

奉先殿事宜由內務府奏辦祇告

太廟並祭

后土

司工由禮部太常寺奏辦祝文均由翰林院撰擬

應行典禮儀注由部屆期具奏○又議準

奉先殿興工吉期遣官祇告畢鑿儀衛豫設黃輿五於  
奉先殿前殿丹陛上均南嚮序列至時內務府總管率

屬詣

後殿上香一跪三叩各恭奉

列聖

列后神牌至

前殿丹陛上謹奉安於黃輿內一跪三叩退校尉昇

輿輿前各列御仗一對禮部太常寺官各二人  
前導內務府堂屬執事各官均隨行由

奉先門

協和門

午門

端門各中門出至

太廟由中門入至丹陛上北嚮序列內務府官各詣輿  
前一跪三叩恭奉

神牌至

太廟中殿寢室內依次奉安於

太廟各

神牌後上香一跪三叩退自興工以及告成均照前儀  
於

太廟薦獻祭饗竣工竣後仍請

神牌還御

奉先殿。二年七月時饗



太廟是日大雨奉

旨令陪祀王公於戟門分獻官陪祀百官於兩廡廊

下行禮○又奏準修理

奉先殿照康熙十八年改建

奉先殿例前一日遣官祇告

天

地

太廟後殿

奉先殿

社稷安礲石豎柱上梁插劍均遣官致祭

司工之神○又奏準修理

奉先殿迎吻照康熙十八年改建

奉先殿例遣官各一人致祭

琉璃窰之神暨經由之

正陽門

大清門

午門

奉先門之神其迎吻時吻上應用裹金銀花二對大  
紅段二方龍旗御仗各二和聲署作樂前引承  
祭官及太常寺堂官執事官並在工各官均簪  
花披紅行禮祝文由翰林院撰擬承祭官由太  
常寺奏遣金花銀花等物由工部製造段絹等  
物由戶部移取○又

諭目今因修理

奉先殿恭請

列聖

列后神牌暫安奉於

太廟中殿今八月初九日

太宗文皇帝忌辰十一日

太祖高皇帝忌辰此二日朕欲親詣

太廟中殿上香行禮著總理事務王大臣會同禮部詳

考禮儀具奏欽此遵

旨議準

列聖

列后忌辰

皇帝親詣

奉先殿行禮咸用素服四時祭饗及祇告

太廟

皇帝親詣行禮咸用禮服並無素服入

廟之制此次忌辰應請遣官行禮○又奏準繕修

奉先殿懸匾額合龍門照例遣官一人祭

司工之神承祭官暨太常寺堂官在工執事各官均照例簪花披紅一切事宜與迎吻禮同○又

奏準修理

奉先殿朔望祭饗暫行停止遇有應祇告

奉先殿之典即於

太廟中殿行禮○又奏準

皇帝謁

陵行禮

起駕日及回鑾次日應祇告

奉先殿因繕修

奉先殿

列聖

列后神牌見皆安奉

太廟中殿應祇告於

太廟中殿奉

旨前一日朕親詣行禮欽此是日奏請照祇告例不設鹵簿王公文武有頂帶官員以上咸朝服在午門外跪候送迎○又題準古禮天子三年喪畢合先祖之神而饗之謂之吉祭今

世宗憲皇帝服已二十七月請於

親詣

泰陵釋服後祫祭

太廟恭行吉禮於十一月二十四日



皇帝親詣

太廟行祫祭禮○又奏準

太廟祝版恭書

列聖尊謚香帛乃

神位前奠獻品物其禮畢送往燎所時應由中路行與

祭祀各

郊壇典禮畫一嗣後時饗並祫祭

太廟鑾儀衛司拜褥官設拜褥畢照常退至尊案後立

俎送祝帛時

皇帝轉立東旁即起拜褥俎奉祝帛官由中路出復設拜褥

皇帝復位祭

歷代帝王

先師遇

皇帝親詣行禮皆仿此○又奏準

奉先殿

太廟於各香案前皆增設燭臺一對

太廟中殿均用白蠟祭

奉先殿

太廟向有爵無墊應於奠獻時增設爵墊以昭整肅祭

帝王

先師亦依此例增設爵墊○又奏準繕修

奉先殿工竣祇告

天



地

太廟

社稷並致祭

后土

司工之神與興工禮同○又奏準

奉先殿工竣應由

太廟中殿恭請

奉先殿安奉

列聖

列后神牌還御

奉先殿

皇帝親詣致祭先期開列王貝勒貝子等奏請

欽點十四人恭奉

神牌○又奏準繕修

奉先殿工竣恭請

列聖

列后神牌還御

奉先殿是日內務府官於

奉先殿照大饗禮陳設祭品鑾儀衛官豫設黃輿五於

太廟丹陛上均南嚮至時請

神牌官詣

太廟中殿各寢室前一跪三叩恭奉

奉先殿

神牌禮部太常寺官前導由中路至丹陛各安奉黃輿

內一跪三叩退校尉舁輿御仗五對禮部太常  
官十人前引由中門出進

端門

午門中門由

協和門出

神牌黃輿至

午門禮部堂官奏請

皇帝御袞服乘輿出宮至

景運門外降輿率諸王貝勒貝子公暨陪祀之內  
大臣侍衛內務府官咸補服在

誠肅門外西旁東嚮立恭候

黃輿至

皇帝率諸王以下跪候過前引大臣十人贊引太常  
卿二人恭導

皇帝隨後行

黃輿由



奉先門中門入升中階至丹陛上均北嚮贊引官恭  
導

皇帝由左門入太常寺官引恭奉

神牌之王等由東西門入掌儀司官引陪祀內大臣侍  
衛由東西角門入竢校尉退司拜褥官布拜褥  
於丹陛上贊引官恭導

皇帝陞東階至

黃輿前正中行一跪三拜禮王等由東西階至丹

陛下隨行禮

皇帝率王等各就

黃輿前跪恭奉

太祖神牌諸王恭奉

列聖

列后神牌輿由殿中門入安奉於各

寶座司拜褥官布拜褥於香案前

皇帝行一跪三拜禮王等咸隨行禮禮畢王等退出

殿外至丹陛上各就班序立司拜褥官布拜褥  
皇帝就拜位行禮與朔望同禮成俟樂闋

皇帝詣

太祖香案前行一跪三拜禮王等亦各詣

列聖

列后香案前隨行禮各恭奉

神牌由穿堂中路進至

後殿以次奉安於各

寢室

皇帝率王等詣各香案前上香就拜位行一跪三拜

禮贊引官恭導

皇帝由殿左門出自

奉先殿東出

奉先門左門至

誠肅門外陞輿還宮○又奏準

太廟興工請先繕修

後殿若遇時饗恭請

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后神牌奉安於

中殿寶座祭饗恭請

太祖高皇帝

孝慈高皇后

太宗文皇帝

孝端文皇后

孝莊文皇后

世祖章皇帝

孝惠章皇后

孝康章皇后

聖祖仁皇帝

孝誠仁皇后

孝昭仁皇后

孝懿仁皇后

孝恭仁皇后

世宗憲皇帝

孝敬憲皇后神牌奉安於

前殿寶座祭饗禮成仍恭請

列聖

列后神牌奉安於

前殿黃幄竢

後殿工竣恭請

神牌還御

後殿次修



中殿竣工竣再修

前殿庶祭祀可以按時舉行其興工及工竣並迎吻  
插劍等日均照例遣官祇告

後殿工竣恭請

列聖

列后神牌還御

中殿凡請

神牌皆太常寺堂官率屬恭奉先期祇告

皇朝通志卷七十八  
皇帝皆親詣行禮。○三年奏準繕修

太廟後殿迎吻時遣官致祭

琉璃窰之神並

正陽門

大清門

太廟街門之神安吻插劍合龍門遣官致祭

司工之神一應事宜均與修理

奉先殿禮同。○又奏準

太廟中殿迎吻安吻插劍合龍門照例遣官致祭一應  
事宜均與繕修

後殿禮同○四年奏準繕修

前殿興工前一日令太常寺官奉

前殿兩廡配饗牌位暫移於

中殿東西廡以次安設竣工竣仍奉牌位安設

前殿兩廡○又奏準繕修

太廟前殿迎吻插劍合龍門遣官致祭一應事宜均與

繕修

中殿禮同○又奏準繕修

太廟前殿工程未竣孟夏時饗請遣官於

中殿致祭各官免其陪祀如孟秋時饗工尚未竣照  
例奏請○又奏準

太廟工竣擇吉於九月二十六日致祭請照歲暮禘祭  
之儀

皇帝親詣

太廟行禮前期三日齋戒王公文武百官咸陪祀先期  
一日遣官祇告○又議準

太廟每日上香均守廟官行禮朔望上香太常寺堂官  
行禮但每月朔望分詣

天壇

地壇

祈穀壇上香行禮若不敷用

太廟仍繫守廟官上香嗣後請於宗室王公內奏請

欽點王貝勒貝子公二十五人專司其事由宗人府  
分定班次每月朔望一人直班朝服上香行禮  
十三年議準時饗

太廟陳設樂舞亦照禘祭例移於殿外丹陛兩旁○又  
諭朕自太和門乘輦恭詣

太廟祭畢乘禮輿還宮欽此○十四年遵

旨奏準

太廟中殿

列聖神龕寶牀恭照

奉先殿式敬謹修造竣造成謹擇吉恭請

神牌暫奉

前殿以便安裝工竣仍請

神位還御○十六年奏準

太廟中殿

列聖神龕寶牀敬謹造成應照例遣官一人於

中殿行祇告禮恭請

神牌暫奉

前殿朔望上香之王公二人分詣

神位前上香行禮宗室官恭奉

列聖

列后神牌王公禮部太常寺堂屬官前導由中路行至  
前殿安奉於各黃幄內上香行三跪九叩禮退每日

即於黃幄前上香其祇告事宜由太常寺奏辦  
祝文由翰林院撰擬黃幄由工部豫備○又奏



準

中殿神龕寶牀已經安裝工竣謹擇吉恭請

神位還御

中殿遣官祇告並王公上香宗室官恭奉

神牌均如恭請

神牌暫奉

前殿儀禮成

皇帝親詣上香行禮○十七年奏準

太廟後殿奠帛獻爵一如

前殿用宗室官之制均用覺羅官○又奏準饗

太廟日遇雨雪分獻官陪祀王公仍遵二年

諭旨於兩廡廊下戟門行禮其陪祀百官於左右門

行禮

欽定大清會典則例卷七十八

欽定四庫全書

欽定大清會典則例卷七十九

禮部

祠祭清吏司

升祔

一升祔

神主入

廟順治元年定鼎燕京奉

太祖高皇帝

孝慈高皇后

太宗文皇帝神主奉安

太廟遣官行禮如時饗儀○五年奉

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后神主人

太廟

世祖章皇帝親詣

太廟後殿奉安

神位行大饗禮如儀○八年奉

孝端文皇后神主升祔

太廟前期一日遣官祇告

太廟屆期

世祖章皇帝親詣行禮先奉

神主祇見

太祖高皇帝

孝慈高皇后

太宗文皇帝

世祖章皇帝恭代行三跪九拜禮興恭奉

神主奉安於

太宗文皇帝之次行一跪三拜禮畢行大饗禮如儀

十八年奉

世祖章皇帝神主升祔

太廟前期一日遣官祇告

太廟屆期

聖祖仁皇帝親詣行禮先奉

神主祇見

太祖高皇帝

孝慈高皇后

太宗文皇帝

孝端文皇后

聖祖仁皇帝恭代行三跪九拜禮興恭奉

神主奉安於

太祖高皇帝神位之西旁東嚮行一跪三拜禮乃行大



饗禮

後殿遣官行禮均如時饗儀○康熙九年奉

孝康章皇后神主升祔

太廟行祇見

列聖

列后禮次行大饗禮與順治八年儀同○二十七年奉

孝莊文皇后神主升祔

太廟前期遣官祇告

大廟屆期大臣二人恭奉

世祖章皇帝

孝康章皇后神主避立於旁

聖祖仁皇帝恭奉

神主奉安於拜位恭代行祇見

太祖高皇帝

孝慈高皇后

太宗文皇帝禮三跪九拜興恭奉

神主奉安於

孝端文皇后之次行一跪三拜禮興大臣二人恭奉

世祖章皇帝

孝康章皇后神主奉安於拜位

聖祖仁皇帝恭代行祇見

孝莊文皇后禮三跪九拜興大臣二人奉安

世祖章皇帝

孝康章皇后神主於寶座一跪三叩退行大饗禮與九

年同○五十七年奉

孝惠章皇后神主升祔

太廟時

聖祖仁皇帝聖體違和遣

皇子親王恭代行禮王公百官陪祀與

親詣同先是恭議升祔位次

聖祖仁皇帝諭曰

皇太后乃朕適母應奉安於

孝康章皇后之上欽此至日

太廟前殿設

孝惠章皇后寶座於

世祖章皇帝寶座之次

孝康章皇后寶座設於

孝惠章皇后寶座之次至

中殿安奉

世祖章皇帝神位居中

孝惠章皇后神位居左

孝康章皇后神位居右均南嚮先奉

神主行祇見

列聖

列后禮次行大饗禮與九年同。雍正元年由部具奏古帝王升祔太廟必以皇后配饗夏商而後遵為定制其或不同入廟者周人有闕宮之祀漢世有別寢之饗爰至唐宋有坤儀奉慈之殿所

以推廣尊親之義申展無盡之孝思也自是配  
祔太廟者皇后字上一字與廟謚同奉祀別廟  
者則但有謚號而不加廟謚累代相因其配祔  
之位或一帝一后或一帝二后宋太宗徽宗則  
四后先後升祔禮制不同

本朝

太祖高皇帝三后惟

孝慈皇后稱高皇后升祔

太廟

太宗文皇帝二后

孝端皇后

孝莊皇后並稱文皇后先後升祔

太廟

世祖章皇帝三后

孝惠皇后

孝康皇后並稱章皇后先後升祔



太廟

孝獻皇后則但於

孝陵饗殿奉祀此我

朝之定制也前內閣九卿等恭議加上

聖祖仁皇帝

三皇后尊謚因未定配饗之儀故皇后字上未敢加以

仁字今謹擇於九月初四日

聖祖仁皇帝升祔

太廟則

先皇后配饗之禮理宜詳定前奉

上諭

仁孝皇后作配

皇考孝敬寬仁坤儀懋著欽遵

諭旨謹按典禮

仁孝皇后允宜

配位太室同饗玉筵應於皇字上加以

廟謚仁字但與

尊謚仁字重複恭請改題

神主曰

孝誠恭肅正惠安和儷天襄聖仁皇后神位擇吉升祔  
太廟

孝恭仁皇后性成慈孝德著謙和體坤道以承乾備母  
儀而啟

聖允宜齊登

清廟並奉烝嘗閣臣議上

尊謚即具加

廟謚與

孝誠仁皇后同祔

太廟此天地之經義不易之常典無庸更議

孝懿皇后徽音淑德著美彤闈慈愛

聖躬勤勞篤篤摯

孝昭皇后流輝椒掖正號璇宮其應否升祔

太廟事關鉅典宜合廷臣詳考古制稽覈正典確議以  
定奉

旨總理事務王大臣內閣九卿翰林詹事科道會同詳  
稽典禮確議具奏遵

旨議準前代祔廟之制各有不同自夏商以及六朝太  
廟神主皆一帝一后至唐睿宗昭成肅明二后  
並祔太廟宋之太祖則三后並祔太宗四后並  
祔朱子及有宋諸儒皆無異說欽惟

孝誠仁皇后作配

宸極懋著坤儀

孝恭仁皇后德茂承

乾祥開毓

聖慈仁孝儉為天下母允宜如禮臣所奏同祔

太廟欽惟

孝懿皇后

孝昭皇后前奉

諭旨

孝昭皇后恪恭溫順樹範宮闈

孝懿皇后徽音淑德慈撫朕躬恩勤備至均應恭上  
尊謚以昭示萬年仰惟

皇帝大孝不匱之聖心謹按宋代四后祔廟之大典謹  
於

孝懿溫誠端仁憲穆奉天佐聖皇后

孝昭靜淑明惠正和欽天順聖皇后並加上

尊謚

廟謚仁字均稱

仁皇后恭造

神主同祔

太廟○又奏準恭按

孝誠仁皇后

孝昭仁皇后

孝懿仁皇后安奉



奉先殿神牌曾於

殯宮行題主禮升祔

奉先殿今恭上

尊謚同祔

太廟禮應於廟中改題請將

三后升祔

奉先殿業經題主神牌諏吉恭請至

太廟恭製

神主處照改題之例飾漆塗金備書

尊謚升祔前期遣大學士二人恭行改題掃青禮埃

聖祖仁皇帝神主祔

廟之日恭奉

三后神主依次升祔

太廟祔

奉先殿神主別於

奉先殿神庫敬製恭題同日升祔。又奉

旨朕惟

母后升祔

太廟大典攸關欲伸臣子之孝思必準前代之成憲務  
得情理允協乃可昭示萬年

孝昭仁皇后

孝懿仁皇后繼位中宮

孝恭仁皇后誕育朕躬母儀天下按先儒祔廟之議一  
元后一繼立一本生以次並列今

母后升祔位次當首奉

孝誠仁皇后次奉

孝昭仁皇后次奉

孝懿仁皇后次奉

孝恭仁皇后庶於古禮符合而朕心亦安欽此。是年

九月初一日

聖祖仁皇帝

孝恭仁皇后山陵事竣是日行題

主禮畢

世宗憲皇帝恭奉

聖祖仁皇帝神主親王一人恭奉

孝恭仁皇后神主安奉黃輿按程恭設黃幄行朝夕奠

初四日行升祔禮前期三日遣官祇告

天

地

太廟

社稷至日在京文武大小官員咸朝服跪迎於

大清門外

世宗憲皇帝御祭服率王公內大臣侍衛等朝服跪迎  
於

端門外

聖祖仁皇帝神主黃輿將至

太廟街門恭奉

三后神主親王三人詣恭奉

神主處於

孝誠仁皇后

孝昭仁皇后

孝懿仁皇后神主案前各行一跪三叩禮恭奉

神主各奉安於黃輿俟

聖祖仁皇帝

孝恭仁皇后神主黃輿入街門中門

三后黃輿依次隨行至廟南門外黃輿止

世宗憲皇帝恭奉

聖祖仁皇帝神主親王四人恭奉

孝誠仁皇后

孝昭仁皇后

孝懿仁皇后

孝恭仁皇后神主升祔

太廟

世宗憲皇帝恭代行祇見



列聖

列后禮乃以次奉安

神主於東旁

太宗文皇帝之次行大饗禮如儀○乾隆二年三月初

五日

皇帝恭奉

世宗憲皇帝神主以親王恭奉

孝敬憲皇后神主升祔

太廟

皇帝恭代行祇見

列聖

列后禮乃奉安

神主於西旁

世祖章皇帝之次先期遣官祇告

天

地

宗廟

社稷祭日行禮如時饗儀

一恭加上

列聖

列后

尊謚崇德元年恭上

覆育列國英明皇帝尊謚曰

承天廣運聖德神功肇紀立極仁孝武皇帝

廟號

太祖並恭上

孝慈昭憲純德貞順成天育聖武皇后尊諡

太宗文皇帝親詣行禮次日諸貝勒率大臣文武各官

上表行慶賀禮○順治元年恭上

寬溫仁聖皇帝尊諡曰

應天興國弘德彰武寬溫仁聖睿孝文皇帝

廟號

太宗○五年追尊

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后奉安

太廟後殿

世祖章皇帝親詣行禮如時饗儀越三日行慶賀禮

頒詔天下○康熙元年恭加上

太祖尊謚睿武弘文定業六字恭改

廟號武皇帝曰

高皇帝上

尊謚曰

太祖承天廣運聖德神功肇紀立極仁孝睿武弘文定業高皇帝恭上

孝慈昭憲純德貞順成天育聖武皇后

尊諡曰

孝慈昭憲敬順慶顯承天輔聖高皇后恭加

太宗尊諡隆道顯功四字上

尊諡曰

太宗應天興國弘德彰武寬溫仁聖睿孝隆道顯功文

皇帝○六十一年十二月

諭朕仰荷

祖宗眷佑繼承大統恭上

皇考聖祖仁皇帝

尊謚敬念

太祖高皇帝

太宗文皇帝

世祖章皇帝



三聖相承功高德盛載考典章加上

尊謚因念

孝莊文皇后翼運啟期育成

兩帝朕在沖齡備膺慈愛

孝康章皇后誕育

先皇懿徽流慶

孝惠章皇后德隆福厚篤愛朕躬朕意宜並加

尊謚但追尊固屬至情而推崇必遵定禮爾部可稽考

載籍酌古準今會同確議具奏俾朕得稍展思慕之誠欽此遵

旨議準恭加

太祖尊謚端毅二字上

尊謚曰

太祖承天廣運聖德神功肇紀立極仁孝睿武端毅弘文定業高皇帝恭加

太宗尊謚敬敏二字上

尊諡曰

太宗應天興國弘德彰武寬溫仁聖睿孝敬敏隆道顯  
功文皇帝恭加

世祖尊諡定統建極四字上

尊諡曰

世祖體天隆運定統建極英睿欽文大德弘功至仁純  
孝章皇帝恭加

孝慈高皇后尊諡仁徽二字上

尊謚曰

孝慈昭憲敬順仁徽慶顯承天輔聖高皇后恭加  
孝端文皇后尊謚哲順二字上

尊謚曰

孝端正敬仁懿哲順莊敏輔天協聖文皇后恭加  
孝莊文皇后尊謚至德二字上

尊謚曰

孝莊仁宣誠憲恭懿至德翼天啟聖文皇后恭加

孝惠章皇后尊謚慈淑二字上

尊謚曰

孝惠仁憲端懿慈淑純德順天翼聖章皇后恭加

孝康章皇后尊謚溫穆二字上

尊謚曰

孝康慈和莊懿恭惠溫穆崇天育聖章皇后○雍正元

年奏準恭加

列祖

列后尊謚應行令工部將見奉

神牌於

廟中潔淨處所髹漆飾金令中書翰林官各一人備書

新加上

尊謚掃青時奏遣滿漢大學士各一人具朝服上香行

禮先期五日遣官祇告

天

地

社稷至日太常寺奏請

皇帝禮服詣

太廟行恭加上

尊謚禮禮成

聖駕還宮易袞服詣

奉先殿行禮如儀○十三年九月十三日

諭尊祖孝親誼應並重報本追遠禮有加隆茲者恭

上

皇考大行皇帝尊謚緬惟燕翼之謀宜備追崇之典

太祖高皇帝

太宗文皇帝肇造洪基創垂大業

世祖章皇帝統一方夏撫育萬邦駿烈鴻猷敷揚莫罄  
皇祖聖祖仁皇帝深仁厚澤淪浹寰區久道化成功齊

覆載朕自沖齡仰蒙

慈愛

宮庭撫育厚眷獨鍾仰思



至德之難名恒念

洪恩之莫報夫宗廟之徽稱有制而報本之忱悃無窮  
應詳稽典禮酌古準今恭議加上

太祖高皇帝

太宗文皇帝

世祖章皇帝

聖祖仁皇帝尊諡以展孝思此朕追慕至情崇先特典  
後世子孫不得奉為成式又敬念

列祖尊諡既已加崇

列后尊諡並應恭議加上爾部詳酌典禮一併定議具

奏欽此遵

旨議準恭加

太祖尊諡欽安二字上

尊諡曰

太祖承天廣運聖德神功肇紀立極仁孝睿武端毅欽

安弘文定業高皇帝恭加

太宗尊謚昭定二字上

尊謚曰

太宗應天興國弘德彰武寬溫仁聖睿孝敬敏昭定隆  
道顯功文皇帝恭加

世祖尊謚顯武二字上

尊謚曰

世祖體天隆運定統建極英睿欽文顯武大德弘功至  
仁純孝章皇帝恭加

聖祖尊諡中和二字上

尊諡曰

聖祖合天弘運文武睿哲恭儉寬裕孝敬誠信中和功德大成仁皇帝又恭加

孝慈高皇后尊諡懿德二字上

尊諡曰

孝慈昭憲敬順仁徽懿德慶顯承天輔聖高皇后恭加  
孝端文皇后尊諡慈僖二字上

尊謚曰

孝端正敬仁懿哲順慈僖莊敏輔天協聖文皇后恭加  
孝莊文皇后尊謚純徽二字上

尊謚曰

孝莊仁宣誠憲恭懿至德純徽翼天啟聖文皇后恭加  
孝惠章皇后尊謚恭安二字上

尊謚曰

孝惠仁憲端懿慈淑恭安純德順天翼聖章皇后恭加

孝康章皇后尊諡端靖二字上

尊諡曰

孝康慈和莊懿恭惠溫穆端靖崇天育聖章皇后恭加  
孝誠仁皇后尊諡淑懿二字上

尊諡曰

孝誠恭肅正惠安和淑懿儷天襄聖仁皇后恭加  
孝昭仁皇后尊諡安裕二字上

尊諡曰

孝昭靜淑明惠正和安裕欽天順聖仁皇后恭加

孝懿仁皇后尊謚和恪二字上

尊謚曰

孝懿溫誠端仁憲穆和恪奉天佐聖仁皇后恭加

孝恭仁皇后尊謚慈純二字上

尊謚曰

孝恭宣惠溫肅定裕慈純贊天承聖仁皇后其恭加

尊謚應行典禮均與雍正元年同

一恭進玉

冊玉

寶順治二年

太祖武皇帝

孝慈武皇后

太宗文皇帝玉

冊玉

寶告成恭進



太廟奉安遣官恭代行禮○九年恭進

四祖考皇帝

四祖妣皇后

孝端文皇后玉

冊玉

寶

世祖章皇帝親詣行禮○十八年

世祖章皇帝玉

冊玉

寶告成恭進

太廟奉安遣官恭代行禮○康熙十三年

孝康章皇后玉

冊玉

寶告成恭進

太廟奉安禮部工部奉設行禮○康熙三十三年恭進

孝莊文皇后玉

冊五

寶告成恭進

太廟奉安遣官恭代行禮○五十九年恭進

孝惠章皇后玉

冊五

寶告成恭進

太廟奉安遣官恭代行禮○雍正六年具奏

太廟玉

冊玉

寶告成擇吉遣官祇設奉

旨

冊寶告成恭進

太廟奉安事關大典朕當親詣行禮應行禮儀著詳悉

定議具奏其恭奉玉

冊玉

寶著開列王公大學士各堂官八旗都統請

旨○是年恭進

太祖高皇帝

孝慈高皇后

太宗文皇帝

孝端文皇后

孝莊文皇后

世祖章皇帝

孝惠章皇后

孝康章皇后重造玉

冊改鐫玉

寶

聖祖仁皇帝

孝誠仁皇后

孝昭仁皇后

孝懿仁皇后

孝恭仁皇后新製玉

冊玉

寶於

太廟奏遣恭奉

冊

寶之王公大臣等二十六人

世宗憲皇帝親詣行禮○乾隆四年恭進

太祖高皇帝

孝慈高皇后

太宗文皇帝

孝端文皇后

孝莊文皇后

世祖章皇帝

孝惠章皇后

孝康章皇后

聖祖仁皇帝

孝誠仁皇后



孝昭仁皇后

孝懿仁皇后

孝恭仁皇后重造玉

冊改鐫玉

寶

世宗憲皇帝

孝敬憲皇后新製玉

冊玉

寶於

太廟是日工部豫於

太廟街門內奉祠署恭造

冊

寶處所設采棚陳玉

冊玉

寶於案禮部堂官奏請

皇帝御禮服詣采棚案前恭閱

冊

寶上香行禮王公大臣等恭奉

冊

寶奉安於

太廟中殿

皇帝行禮如儀

一功臣配饗

太廟崇德元年以武功郡王武功郡王福晉配饗

太廟設位東廡直義公費英東宏毅公額宜都配饗西廡○順治元年以武勳王揚古利配饗

太廟設位西廡○九年以忠義公圖爾格昭勳公圖賴配饗

太廟設位西廡○十一年以多羅通達郡王多羅慧哲郡王慧哲郡王福晉多羅宣獻郡王宣獻郡王福晉配饗

太廟設位東廡○雍正二年議準忠達公圖海配饗前

期遣官一人祇告

太廟由部會同太常寺豫將龕座几案依次安設至期遣大臣詣造功臣神主處上香行一跪三叩禮奉主出設采亭內前列引仗二迎主至

長安右門外引仗采亭止奉主大臣奉主鴻臚寺官二人前引由北門進入

天安門左門

太廟街門北門

太廟南門西門戟門右門太常寺贊禮郎二人接引至  
太廟階下甬道右百官拜位處嚮上立奉主大臣跪安  
功臣神主於拜位興退代行三跪九叩禮不贊  
禮畢奉主興太常官引至西廡設於位次龕內  
退行一跪三叩禮出至時饗時同饗神主龕位  
几案由工部製造祭告大臣由太常寺奏遣奉  
主大臣由部奏遣祭文由翰林院撰擬采亭引  
仗由鑾儀衛豫備○八年議準怡賢親王配饗

太廟先期祇告

太廟至期奉王主郡王至造神主處上香行一跪三叩  
禮奉主設采亭內前列吾仗二由

長安右門之北門入至

天安門外吾仗采亭止奉王主郡王奉主由各門  
進升東階至甬道左安王主於階上王拜處興  
退代行三跪九叩禮奉主仍由東階降設位東  
廡畢行一跪三叩禮退俟時饗時同饗餘均照

二年功臣配饗儀○乾隆十年議準勤襄伯鄂爾泰配饗

太廟設位西廡儀與雍正二年同○十五年議準超勇親王策凌配饗

太廟設位西廡儀與乾隆十年同○二十年大學士張廷玉配饗

太廟設位西廡儀與十五年同

欽定大清會典則例卷七十九